



Na osnovu člana 69. stav (2) tačka d) Zakona o javnim nabavkama („Službeni glasnik BiH“ broj: 39/14) i člana 38. Pravilnika o javnim nabavkama JU „Naše dijete“ Tuzla, na prijedlog Komisije za javne nabavke, direktor Ustanove donosi

O D L U K U

o poništenju postupka nabavke

I

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu – *nabavka radova na sanaciji kupatila na objektu „Poletarac“ za potrebe Ustanove* provedenog putem konkurentskog zahtjeva za dostavu ponuda broj obavještenja 1194-7-3-86-3-32/19 od 24.12.2019. godine sa Portala javnih nabavki BiH iz razloga što nijedna od primljenih ponuda nije prihvatljiva.

II

Odluka stupa na snagu danom donošenja i objaviće se na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH.

Obrazloženje:

Na osnovu Zahtjeva za pokretanje postupka javne nabavke br. 01-5991-1/2019, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-5991-2/2019 od 25.12.2019. godine. Postupak je objavljen na Portalu javnih nabavki BiH broj 1194-7-3-86-3-32/19 od 25.12.2019. godine, a poziv za preuzimanje tenderske dokumentacije sa Portala je upućen privrednim subjektima: DOO „Vodo ins“ Tuzla, OR „Vejzović“ Tuzla i „Dinalsa“ d.o.o. Sarajevo. Do krajnjeg roka za dostavu ponuda, ponudu su predala 2 (dva) privredna subjekta: „Dinamico“ d.o.o. Kalesija – broj protokola 01-197/2020-1 i OR „Vejzović“ Tuzla - broj protokola 01-198/2020-1.

Komisija za javne nabavke je izvršila otvaranje, pregled i ocjenu ponuda i utvrdila sljedeće:

a) ponuda ponuđača „Dinamico“ d.o.o. Kalesija je ocijenjena kao neprihvatljiva iz razloga što navedeni ponuđač nije dostavio spisak izvršenih ugovora, koji su u vezi s predmetnom nabavkom za period ne duži od 5 (pet) godina od dana objave postupka. Traženi uslov je naveden u tački **3.3.1. Definisani uslovi i traženi dokazi vezano za tehničku i profesionalnu sposobnost ponuđača** tenderske dokumentacije.

Takođe, ponuđač „Dinamico“ d.o.o. Kalesija je propustio da dostavi kopiju ponude iako u tenderskoj dokumentaciji u tački **4.1. Sadržaj ponude i način pripreme ponude** navedeno da su ponuđači dužni uz original da dostave i kopiju ponude.

Imajući u vidu navedeno, ponuda ponuđača „Dinamico“ d.o.o. Kalesija je odbačena i ocijenjena kao neprihvatljiva.

b) ponuda ponuđača OR „Vejzović“ Tuzla je ocijenjena kao neprihvatljiva iz razloga što navedeni ponuđač nije dostavio spisak izvršenih ugovora na način zahtijevan u tenderskoj dokumentaciji u tački **3.3.1. Definisani uslovi i traženi dokazi vezano za tehničku i profesionalnu sposobnost ponuđača**. Tenderskom dokumentacijom je traženo da se dostave minimalno 3 potvrde o uspješno izvršenim ugovorima, dok je navedeni ponuđač dostavio samo 2 (dvije) tražene potvrde. Takođe, dostavljene su: potvrda br. 09-33-1/20 Mikro kreditne fondacije „Partner“, koja se odnosi na nabavku usluga tekućeg održavanja i potvrda privrednog subjekta „Cestotehnik“ d.o.o. Tuzla, koja se odnosi na održavanje vode i grijanja,



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

dok se predmetna nabavka odnosi na nabavku radova na sanaciji kupatila. Zbog svega navedenog, ponuda ponuđača OR „Vejzović“ Tuzla je odbačena i ocijenjena kao neprihvatljiva.


c) u tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine). S obzirom da nijedna pristigla ponuda nije prihvatljiva, planirana e-aukcija nije zakazivana.

Shodno navedenom, Komisija za javne nabavke je dostavila direktoru prijedlog da se poništi postupak nabavke, u skladu sa članom 69. tačka (2) stav d) Zakona o javnim nabavkama BiH, iz razloga što nijedna ponuda nije prihvatljiva.


U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno navedenom, a u skladu sa odredbom člana 69. stav (2) tačka d) Zakona o javnim nabavkama BiH, odlučeno je kao u dispozitivu.

DOSTAVLJENO:

1. Ponuđačima
2. Spis
3. A/a



DIREKTOR


/ Karić Sanja, dipl. iur /

Broj: *ij-216-3*/2020
Tuzla, 07.0*1*2020. god.

Jur. S